

Die verlorni Pfeif

Unser Vedder Sepp war ach vun dene
Die wu es Rache net lose hann kenne.
Schun frieh is er gang in de Stall zum Gaul
Un haat die Pfeif ach glei im Maul.

Im dunkli is er schun aus seim Haus,
Gfahr mit`m Wahn uf de Hotar naus.
De Wech war weit, wie mer`s versteht,
Die Pfeif im Maul, ach aus mol geht.

Wie er vum Rach no nix mehr gspiirt
Die Hand er glei in de Jangelsack fiehrt.
O Schreck der is jo leer un hat e Loch,
So sucht er ach weiter im Fuder noch.

Er sucht noch vore un ach hinne
Un kann die Pfeif doch nirgends finne.
In seiner Aufregung reist er de Zahm rum
Un dreht sei Wahn no Hemm wieder um.

Inzwischen wert`s schun etwas hell
Un de Vedder Hans kummt gfahr uf de Stell.
Der ruft no: „Gut Morjet Sepp, is was passiert,
Well`s so frieh bei dir heit schun pressiirt.“

Wie er no halt sei Pher ach an,
So fällt beim Rede die Pfeif vum Wahn.
Verdammt nochmol, er is vergess,
For suche ach in seiner Fress!

Korz un gut, die Pfeif war do.
Un unser Vedder Sepp war wieder froh.
Die Gschicht is wohr, nor bisserl verdreht,
Dem wu schun so was passiert ist, es ach versteht.